



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
*manè discutienda in Scholis Medicorum, die Jovis decimâ-septimâ
mensis Martii, Anno Domini M. DCC. LVII.*

M. BERNARDO DE JUSSIEU, Regiæ Scientiarum
Academiæ, & Regiæ Societatis Londinensis Socio, in Horto
Regio Botanices Prodemonstratore, M. JOSEPHI DE
JUSSIEU, Doctoris Medici Parisiensis, Regiæ Scientiarum
Academiæ Socii, vices gerente, Doctore Medico, Præsîde.

An otiosus frictio?

I.



ORPUS continuis laboribus defessum brevî rueret ad in-
teritum, nisi identidem blandâ quiete reficeretur. Hinc ad
tuendam sanitatem, vitamque longius producendam quies &
motus corpori, vice alternâ, concedantur, necessum est. Mo-
tus auxilio, abeunt per innumera corporis excernicula par-
tes excrementitiæ; sicque succus nutritius purior factus par-
tibus nutrien dis facîlè applicatur. Motu tensas nimium relaxat fibras quies,

A

spiritus refarcit dissipatos, inbecilles refocillat vires. Moderatus uterque sanitati prodest; uterque si nimius, sanitati quam maximè nocet: ut optime annotat divinus senex; *omne nimium est Natura inimicum*. Qui ergo otii lenociniis plus æquo indulgent, vitam sibi parant tristi morborum cohorte opugnamdam.

Ex morbis, qui otiosos homines circumvenire solent, alii eos citò de medio tollunt; alii verò licet periculosi minus, ipsis vitam ægritudinum plenam faciunt. Ex horum genere sunt morbi chronici omnes. Vulgares tamen hypochondriaci, arthritis, rheumatismus; quos inter alii magis lancinant ut arthritis; sed periodicè tantùm recurrit: alii autem minus, sed continuò constanterque vim suam exerunt, ut hypochondriaci morbi, rheumatismus. Hic autem quandoque spontaneo Naturæ victricis conamine dissipatus recrudescit, omnemque remediorum potestatem exuperat. Arthritidis medela non tentenda, ne vitatâ charybdî incidat in scyllam æger.

Tot malorum causam quæsieris? Serum sanguinis est, quod modo salinis velut horrens spiculis, modo viscosis implicatum partibus, varios pro variis quas infestat microcosmi regionibus, morbos valet edere. Si in articulo capsulâ hospitetur, arthritidem; si musculorum occupet membranas, rheumatismum; si denique viscera abdominalia cum deberet permeare, in iis stagnat ac hæreat, hypochondriacos gignit affectus.

At quâ viâ ferosi humoris perversitas vitanda sit, accipe. Vitam age labore moderato exercitam, aut quæ ut exercitii quædam species potest haberi, frictionem adhibe.

I I.

ULLAM peragi posse suuccionem in corpore humano, absente motu, prorsus absonum est, cum motus vitæ sit principium & fons: sic vitam à morbis immunem, absque exercitio traducere, frustra quis speraverit. Nec satis est in potu & cibo non peccasse. Licet enim facilioris digestionis, paucioribusque excrementis mixta eligantur alimenta, nihilominus in corpore excrementa nascuntur & sobolescunt, quæ nisi ex ipso excludantur, intus alunt hostem eo timendum magis, quod clam proreperit, & qualibet datâ occasione vel minimâ vim suam exerit, stragemque infert humoribus.

Qui strictas nimium gustui aut appetitui imponunt leges, quam maximè culpandi sunt, cum corpora eâ egeant ciborum copiâ, qui humoribus præbeant refrigerium, solida nutrant & augeant. Dum verò pauciora ingeruntur alimenta vix renovantur humores, pabulo sufficienti defraudantur solida; hinc elapsâ parte terosâ, liquida impissantur, exsiccantur solida & rigescunt; dumque sanitati invigilari creditur, mors accersitur præmatura. Præterea ex ipso, unde aluntur, succo corporis partes, fecernuntur semper in iis qui temperatè etiam vivunt residua quadam, quæ partibus nutriendis assimilari imparia, foràs eliminanda sunt.

At hisce superfluis expedire sese frustra tentabit Natura, nisi exercitatio ne adjuvetur: nam otio membra torpent, sensim sine sensu collabescunt vasa, intrâ corporis penetralia ægrè admodum circulantur humores; hos à sanguine vix admittunt organa secretoria, iis exitum denegant excretoria vasa, suffocatur ferè calor naturalis: hinc ratio, cur otiosi magis quam exercitati apoplexiæ sint obnoxii. Ergo absque exercitio vita incolumis nequit servari. Qui verò vel negotiis publicis privatisque impediti; vel necessariis variarum artium operibus detenti; vel mulieres etiam quæ forte sexûs, rardè & ferè nunquam exerceri queunt, frictione, horis Medicis adhibitâ, lætantur.

EXERCITIUM pro variis auctorum opinionibus, variam accepit denominationem. Exercitationem definivit Galenus (a) *esse motum vehementem, anhelium alternantem*. Galenum secutus est Aëtius. Hippocrates videtur à labore non distinxisse exercitium, ait enim, (b) *labores cibum præcedant, & ubi fames, laborandum non est*. Averroës (c) contredit exercitationem, *esse membrorum motum aliquâ voluntate factum*. Exercitium posset etiam definiri, motus membrorum voluntarius vel ad tuendam sanitatem, vel ad bonum quemdam corporis habitum comparandum.

(a) Libr. 2. de
Tuend. valetud.

(b) Libr. 2.
aph. 16.
(c) L. collect.

Non unum exercitii genus complectitur Gymnastica, ars veteribus quàm maximè usitata, nobis verò nimis neglecta. Inter exercitia, alia spectant ad totum corpus, ut pilæ ludus, ludus athleticus sive palæstra; alia ad partes aliquas tantum, ut ambulatio ad pedes, remigatio ad brachia, vociferatio cantusve intensior ad laryngem, trachæam arteriam & pulmones, equitatio ad viscera præsertim abdominalia. Recensentur etiam quædam exercitiationum species, alia magnæ & vehementes, parvæ alia & mediocres. Quædam breviori temporis spatio fiunt & celeres dicuntur; quædam autem longiori & lentæ audiunt.

Qui habitu robustiore & multa pinguedine referto donantur, confidenter magno ac vehementi exercitio sese committant; cum enim corpora quæ maximè nutriuntur, necessariò multa generent excrementa, nisi hæc ipsa per magnam & vehementem expellantur exercitationem, probos inficiunt humores, unde morbi quam plurimi. Hinc Galenus (d) inter cætera, quæ virum obesum extenuare valent, velocem cursum maximè commendat. Magna & vehemens exercitatio debilius sanitati quàm nocet! Quidquid boni ac utilis est absorbit & dissipat: hinc arefiunt partes solidæ, & vires suffocantur.

(d) Lib. 4. Meth.
Med. cap. 13.

At verò à mediocri & lento exercitio fructum non levem possunt percipere debiles. His enim motibus, leniter agitantur humores, facili negotio ab inutili segregatur utile, gratè succutuntur solida, nutritio patæsiunt succo; hinc vegetum, succosum & pingue illis accrescit corpus.

I V.

HUC usque varias attulimus rationes, quibus probaretur, quantum exercitium moderate sumptum sanitati prodesse, atque adeò quantas strages, quamque multiplices nimia valeret quies œconomia animali advehere. Diximusque motum quieti, & quietem motui, sive exercitio succedere debere. At cum non omnes omnino homines, ejus sint conditionis, quæ sinat eos nunc exercitio uti, nunc quieti indulgere, astruximus in otiosorum auxilium & salutem, quorum bona pars est, frictiones esse advocandas.

Frictionis nomine intelligitur actio cujuslibet corporis euntis ac redeuntis supra superficiem corporis alterius.

Multiplex est frictionum species. Aliæ universales, quæ fiunt in tota corporis humani extensione; alia autem quæ in parte tantum, ut v. g. in brachio, in pede, &c. Adhibentur, vel siccæ, vel humidæ. Siccæ vocantur quæ solâ manu, aut panno sive sericeo, sive laneo, sive alio quocumque instrumento instituuntur. Humidæ autem, cum affunditur interponiturque quidam liquor. Possent etiam hic recenseri frictiones vaporosæ, at cum nihil aliud quàm partes volatiliores corporis quæ vel ex naturâ suâ, vel ope ignis in altum assurrexerunt, ideo ad frictiones humidas referendas censuimus.

Ex hac brevi compendiosâque frictionum analysi quid inferendum? Nisi quod pro variis temperamentis, variæ institui debeant frictiones; pro deli-

libus, debiles; pro fortioribus fortiores. Ut enim temperamenta à se invicem discrepant, tum solidorum ratione, tum liquidorum, ita utrisque proficere est.

Itaque frictio temperamento cuilibet apta & idonea videtur dum modo humidam in sicco & siccam in humido, &c. admoveris. At verò quantum otiosorum præsertim sanitati profint frictiones, evincitur, quotidianâ in equos observatione. Si enim deses & otiosus sibi relinquitur equus in stabulo; si necessariâ servorum curâ careat; si tandem iners jaceat; tunc brevi torpescunt membra; deliquescent vires; & superbum ante hac cursores, vili profectum paleâ despecies. Quod si e contra, vel leni & moderatâ exercitatione, eundem equum exfucites, vel frictionibus crebrâ repetitis sitis & squallor ab ejus cute depulsus sit; ut alacer subsultabit! Ut revirescet robur! Ut accrescet animus! Cui tanta hæc tribuenda mutatio, nisi aut exercitationi, aut frictionibus? Quod quidem optimè percallebat imperator græcus Eumenes, (a) qui, cum in Castello Phrygiæ circumfederetur, verereturque, ne uno loco manens equos militares perderet, quod spatium non esset agitando: callidum fuit ejus inventum, quemadmodum stans jumentum calefieri exercerieque posset, quò libentius & cibo uteretur & à corporis motu non removeretur. Substringebat caput loro altiùs, quàm ut prioribus pedibus terram posset attingere. Deinde post verberibus cogebat exultare & calces remittere. Quò factum est ut jumenta aequè nitida ex castello eduxerit, cum complures menses in obsidione fuisset, ac si in campestribus & planis ea locis habuisset. Quid ni idem foret verum de hominibus? Nisi enim exercerentur, vel detergerentur, insurgeret suprà memorata malorum caterva; dum è contrario, si frictionum utantur methodo, remotissimam senectutem corpore & mente sani assequuntur. Nam cum à facili perspiratione pendeat functionum libertas, & otiosi minus quàm exercitati perspirent, inde est, quod, frictionum usu, rectè peragantur & faciliè functiones, adeoque firma flet sanitas.

V.

HINC colligere est quanta sit utilitas frictionum vel potius necessitas. Nec obstat quod objici posset, frictiones aliquando locum dare inflammationibus, pruritu, vel quibusdam aliis affectionibus cutaneis, illud enim mali dum accidit perparàm in frictiones ipsas refunderetur, bene verò in modum, quo institutæ fuerint. Si enim in temperamento debili usurpentur frictiones valentiores, tum alterantur liquida, ferè destruantur solida, ac consequenter nedùm boni aliquid corpori accedat, imò morbus advocatur. Quod si leni blandoque motu agitentur solida, sensim sine sensu partes liquidorum nimis crassæ attenuantur, liberior fit humorum circuitus per vasa; unde alacritas & hilaritas. Nec eo tantum nomine commendantur frictiones, quod sanitatem servant, verum etiam, quod morbos averrant, cum nempe in otiosis lentorem & concretionem humorum arcant, corpusque hoc modo disponunt ad longævitatem, Itaque non immeritò concludimus.

Ergò otiosis frictio.

Proponebat Parisiis JOANNES Sr. JOIRE, Vallis-Coloreus Tulensis, Doctor Medicus Remensis, Saluberrimæ Facultatis Medicinæ Parisiensis Baccalareus, Theſeos Auctor, A. R. S. H. 1757,

A S E X T A A D M E R I D I E M.

(a) Cornel. Nep.
in vita Eum.